


東廳須問


續三



金長生誕享

耳

初 肅宗幸而宋時熙既末殿曰故文元公臣金長生得
程朱之學於文成公某珥既盡受其說驗之心而矚於身
然後慨然於來子所恨者晚年守意於禮書蓋勉齋之書
猶有可憾而不無更商量者故也其所纂喪禮備要
家禮集覽誕禮問辭禮記記疑等書是合諸折置水不漏
使兩端典章和家禮喪皆有兩柳裏而一主於程朱之說
雖趨向異金之家無不通用其功可謂厥夫夫以鄭家杜
子春只以註釋周禮之文而尚且與於聖廟之享况文元
公是東方禮家之大成耶頃歲章甫間有謂臣者曰以文
元公之有功斯文誕祀之論尚此寂然此豈可已者耶臣
竊之曰此論雖出於公心而謂舉國同辭可以世不惑



金長生從享

初 肅宗辛酉宋時烈疏末段曰故文元公臣金長生得
程朱之學於文成公李珣既盡受其說驗之心而體於身
然後慨然於朱子所恨者晚年專意於禮書蓋勉齋之書
通解尚有可憾而不無更商量者故也其所纂喪禮備要
家禮集覽疑禮問解禮記記疑等書毫分縷析置水不漏
使國朝典章私家經義皆有所拆衷而一主於程朱之說
雖趨向異塗之家無不遵用其功可謂盛矣夫以鄭衆杜
子春只以註釋周禮之文而尚且與於聖廡之享况文元
公是東方禮家之大成耶頃歲章甫間有謂臣者曰以文
元公之有功斯文從祀之論尚此寂然此豈可已者耶臣
止之曰此論雖出於公心必須舉國同辭可以百世不惑

無且兩賢之請尚未了當亦須有次第其論遂止今者兩

賢從祀既已蒙允伏乞 聖明并賜財察焉 大臣叔議

皆言姑俟後日士論之愈同熟講而定似為未晚 傳旨詳在牛案

從享時宋時
原疏下

辛巳春 二十七年 全羅道進士崔雲翼等 九十人 疏畧曰本朝

爰舉五賢之從祀 聖上結有兩賢之暇食國家有先斯

文無憾苟有繼兩賢而作者表章從享之舉宜不容或闕

而有若先正臣文元公金長生實其人也士論之請自辛

酉而至于今日起八路而達乎館學而前後聖批每示慎

重之意稱從賢則曰已知道德諭多士則曰退修學業由

是積誠有待泯默至今矣臣等竊聞金長生遺集已登

乙覽至畝刊布其於金長生道學淺深固已洞然而無疑

矣金長生實師李珣得其嫡傳以言乎稟賦則敦厚和粹
之質不待矯揉嚴正確實之資自然近道以言乎學問則
以居敬窮理為要以反躬力行為主本原澄明而無滓義
理條暢而不礙惟其抱負之未究厥施故專事訓誨以淑
諸人及門之徒皆有成就西湖之間尤被薰炙在家庭則
有孔門之伯魚傳衣鉢則有近年之晦菴纂成喪禮脩要
家禮輯覽疑禮問辭等書羽翼聖經裨補世教稟報之典
尚今寥寥云云

禮曹啓曰金長生早得師傳之訣道學醇正發揮天秩之
叙經變得中為世儒宗有補風教之功之德宜有崇報之
典則多士之請實出一國共公之論而莫重聖廟暇享之舉有
非臣曹所可輕斷詢問于諸大臣及在外儒臣而稟處何如

左相李世白議臣伏見先正臣宋時烈之疏有曰

云云其

時諸大臣獻議雖有詳畧之不同而要皆不出於宋時烈之疏意而其欲審量而慎處之者亦所以重其事體也近來一種醜正之徒相繼而起公肆詆辱并及於已祀之兩賢臣此誠世道之大變不可不痛加斥絕以彰聖明尊

賢衛道之誠而至於茲事必須拆衷於先正諸大臣之言時詢熟講而行之○右相中琬議道德高明之教既出於

先朝從祀聖廟之議又始於先正則至於今日誰敢異

辭

此外畧同左相

判樞尹趾善徐文重判敦寧崔錫鼎病不獻

議因書啓更為問議尹趾善議論後賢之道學配先聖之

廟庶實是莫重莫大之典我朝三百年來僅再有之而五

賢從祀之請至百年而始許兩賢從祀之舉亦過五十年

以後乃行則 列聖之特難新惜者夫堂有歟於尊賢重
道而然哉蓋所以重斯文也重典禮也前日故相臣金壽
恒獻議中事體尤重姑俟後日云者蓋亦此意也○徐文
重杜門席藁惟埃邦憲不敢獻議云○崔錫鼎議文元公
金長生資質渾厚學問篤實且有纂輯禮書之功允為一
代之所尊仰而至於聖廟暇享容或未可輕議者夫以楊
羅李三賢結程門之統黃幹接朱門之緒而俱未得與列
於從祀中朝諸人累以為言而事久未行弘治中始許楊
時陞配我國則并皆未遑然則從祀盛典不事以淵源門
路之正為斷蓋可見矣金長生學門造詣之茂深有非末
學所敢知而宋朝諸賢之事既如彼則今於近世俊賢其
何可率爾行之致有未盡之悔耶○領敦寧尹趾完議金

長生之造詣淺深道德高下固非如臣謏聞寡識所敢容
喙而文廟從祀之典至重至大必待舉國力請多歷年所
而後方可定其當否其在慎重之道似難倖然輕議○領
中樞南九萬議遲留江外方族嚴誅不敢獻議○行判樞
柳尚運病不收議○左叅贊尹拯議庸陋衰朽終不當佞
臣之名國家祀典實非微分蒙見所敢妄論○行司果權
尚夏議臣師所見足以知德而污不至阿其所好愚臣今
日之義惟當謹誦師說○目上教南九萬更議國朝諸
賢從祀有二度而必待中外士林大小朝臣交謁迭請歷
累朝積年所然後乃行伏聞諸大臣皆以難慎為對云似
難容易舉行○柳尚運更議先正首發之論有疎其無異
說然後財度古義而行之之語諸臣獻議亦皆以姑俟後

日為辭此豈非百世而後之意耶今去其時二十年間人物日下未聞有知德者出可以仰贊我聖朝崇儒重道之盛意而乃曰一方之請遽議莫大之禮揆以朝家事體恐非慎重之道○尹拯更議實如前日所陳云云傳曰從祀禮重似難容易今予靳許匪曰不令惟其慎重故不得不如徐待後日

答洪禹翰等疏曰欽抹羣議者蓋出於慎重

○忠清道進士李喜昂

再思堂電遊玄孫西漢李授理德亂之孫

等疏畧曰臣

等竊聞湖汶崔雲翼等投進一疏請以故叅判臣金長生

從享文廟殿下曾不留難乃有該書議處之命不料

聖明之世復有此斯文之變也殿下以金長生為何如

人哉本以凡姿生長大家假托禮說因竊虛譽茂考平生

元無研窮性理之學文辭上亦甚短拙其所謂平生事業
只有兩件冊子喪禮脩要一卷疑禮問解四卷脩要則專
據朱子家禮中喪祭二門畧添煩瑣之目而本非自家所
編其自序曰吾友中義慶編為一書名曰喪禮脩要而長
生強為添刪而已問解則歷舉四禮中煩瑣第次及物名
之疑而其徒問焉其師答焉輒曰儀禮可考程朱說可考
家禮可考通典可考金糊瞻曉無發明剖析之語或有出
意見論說而亦多取譏於人長生而知禮孰不知禮抑有
一說焉先輩長者有言李珣之大疵累在於理氣一物之
說而反背朱子侵攻李滉長生又襲珣說詎不賢師與叔
孫之毀孔子古今一轍以如此之人而達書院誠亦僭天
又欲從享於聖廟并列於五賢天下寧有是耶本朝道統

鄭夢周傳於吉再吉再傳於金淑滋金淑滋傳於金宗直
金宗直傳於趙光祖其中從享者僅二賢而三子高明之
學緒開之功尚不能與於配食之列則謂長生能之乎雖
其黨與之中尚知聖廟之不可污太半退步斯舉之大咈
公議可見矣廟門一間邪淫難防不知來頭又有何等所
謂儒賢君子不及長生而疵過珥琿者將欲闖然而入乎
噫數間夫子之廟自此而殆無隙地矣

故院啓曰李喜鼎等不有公議肆然誣毀以為眩惑天
聽之計已極無巖而至於四賢從祀國論大定典禮已舉
則雖平日醜正之徒宜不敢更為疵議而今因金長生從
享之議并舉而誣詆之其無忌憚尤極痛惋傳曰此輩
之肆然投疏侵侮先正已極無巖並舉兩賢恣意醜詆尤

極痛駁疏頭李喜鼎定配此疏還出給

阮啓承旨朴明義左袒邪說肆然投疏用意叵測初以舉措輕遽全無慎重之意侵攻聖躬又以尊聖廟開壁衛斯文擁盾之說伸救喜鼎一則曰千里虛還氣像愁慘一則曰鉗一世而蟄多士云云請削奪官爵依允

○ 罷學儒生黃夏弼等三疏中請全長生從享不允

○ 朴大復等疏中請不允

○ 中錫華等疏荅曰爾等辨明寔出尊賢之誠予用嘉尚

○ 壬午三月京畿進士金有萬等疏中請荅曰昨午收議之批豈不知道德而然哉蓋出於慎重之意也三疏不允
七月慶尚道儒生金克和等三疏中請不允

十月罷學儒生尹鳳朝等三疏中請荅曰差待後日不害

為慎重之道也

丁酉四十年夏五月始得請從祀

英宗三十二年丙宋從享

四十年朴世采從享

正宗丁巳金隣厚從享

[illegible]

崇節祠

崇節祠在泮水東

甯宗癸亥教曰予嘗喜讀韓文中佛骨表因見何蕃傳又見宋之陳東歐陽徹事蹟千載之下不舉使人起敬也凡國家所以廩養士子者豈徒使之作文干祿哉予欲以此三人別立小祠於成均之傍使今日諸生有所觀感而凡古今可祀者同祀之似好令議于大臣儒臣原任金壽興以為何蕃等皆太學生則同祀之人亦當就太學生中成就表著如三人者然後可無愧於同堂合享晉董養之風節可以同祀 上命依議施行 寶鑑

金壽恒等以為難倫其制終不無時詘舉羸之患請姑俟秋成從之

景宗朝館學儒生李冀重等疏畧曰伏見先大王誌
文有何蕃等立祠之語而尚未舉行有其名而無其實
先大王尚節義激士氣之至意將歸於湮沒請速行之

上許之

英宗元年崇節祠成享以董養何蕃陳東歐陽徹

初以本朝尹志述并享越二年丁未八月撤去

庚辰七月上幸太學歷臨崇節祠以御筆書流芳我

東四字揭于祠仍教曰設或有直節愈於四賢者決不添

配

祠嘗有一儒生請故進士尹志述追配四賢祠上進之前
而誨之曰景廟在宥之時汝敢為此乎如其不敢敢為於

今日乎儒生謝罪

燃藜室記述別集卷之三目錄

祀典典故

文廟

啓聖祠

文廟從享

五賢從享


金宏弼 鄭汝昌 趙光祖 李彥迪 李滉

李珥成渾從祀議

宋四賢及李珥成渾陞祔黜申黨及先儒九人

李珥成渾黜享復享

崇節祠



燃藜室記述別集卷之三

祀典典故

文廟

太祖建邦設都立廟學

太宗重新學宮

永樂十七年己亥

躋成

曾沂思

二公於配位陞于張於十哲命詞臣卞季良撰碑

豎之

四佳集尊經閣記

成均館養賢庫尊經閣典祀廳聖殿東西廡食堂

并詳成均館

○太宗十四年

上幸學謁聖謁聖之禮始此

列聖朝幸

學謁聖未盡載錄

太宗即位於松京命胄子就學

卞季良文廟碑

世宗三年世子

入學以無大司成尹祥為博士

世祖三年

世子入學

以大提學崔恒為博士

白此因以為例

中宗十七年

世子入

學 明宗十五年 順懷世子入學 仁祖三年 昭顯

世子入學二十三年 世子入學 孝宗二年 世子入

學 顯宗十年 世子入學 肅宗二十一年 世子入

學 景宗二年 世弟入學自 顯廟朝以後入學例講

小學至是以大學講焉 英宗三年 孝章世子入學十

八年 莊獻世子入學三十七年 世孫入學

端宗八歲冊封 世孫十二歲即位而八學不載璿謀中

端宗癸酉 德宗入學而時未陞儲位

王子宗親亦有八學之禮以司成為侍士載於五禮儀而

今無此禮

○世宗時謁文廟禮判許禔曰臣謹稽古制唐用韡袍謁

先聖雖不詳其制疑即今之絳紗袍也 上曰紗袍臨羣

臣之服堂可服此謁先聖乎我將服袞冕以謁

寶鑑

○文廟之額大成殿韓護筆明倫堂額二一朱子筆一朱之蕃筆

成宗三年建典祀廳

成宗二十三年始設櫃檯於文廟位版

燕山朝汚穢聖廟

入燕山記

中宗元年命撤瑞慈臺石脩尊泮宮還奉位版

○賀正使尹孝孫還奏曰中朝之享先聖先師皆設饌卓而我國則席地而奠實違尊敬之意乞依皇朝制而行之

廟從之始設饌卓

國朝典謨○洪肯道記曰李元增為之

○宣祖甲戌夏校書著作趙憲以質正官朝京東還上疏曰臣竊見嘉靖中改題文宣王之號為至聖先師孔子之

位顏子以下俱改去爵各故廟額不曰大成殿曰先聖廟
臣謹按漢平哀時王莽聘其奸謬稱爲褒成宣尼公唐云
宗又謚爲宣王而顏子以下祇稱公侯伯其稱公稱王者
於夫子所謂君君臣臣父父子子之道一切悖亂而佯尊
聖人以欺天下曾謂責家臣之詐而易大夫之簣者其肯
安乎斯名乎況自稱皇帝以所以封其臣子者強加之尤
非所以尊聖人故嘉靖十年因大學士張孚敬之言一正
千載之謬而我朝襲前陋恐當議改者也
下段八
啓聖廟不報
時朝議亦有欲尊華制者李滉曰聖人之德雖不以封贈
而有所加損然尊以是辨世代已久程朱大儒亦無異議
而一朝削去實所未安今此舉措何可輕議云云因而不

○宣廟甲戌夏命去松都國學先聖十哲塑像代以位版
初高麗忠烈王九年癸卯閏五月國學學正金文鼎以先
聖十哲塑像及文廟祭寃還自元蓋資成事安裕建議
置贍學錢又以餘財付文鼎購得以來更建國學安以塑
像東西廡七十子用位板忠宣王改國學為成均館至恭
愍王十六年移文宣王塑像于崇文館文武百官冠帶侍
衛終麗朝九十年中經紅賊亦免兵燹 太祖革命徙都
漢陽其所謂成均館者府之人稱學堂焉廟貌如舊一從
麗氏之制至是有言塑像似佛不合明宮之薦命收議易
以位版埋塑像府之士子父老陳疏請止不從 柳川劄
在昔文廟之制中國塑像本國則用位版惟開成平壤二
府之學妄塑像亦元時自中國來者嘉靖丙戌詔天下毀

孔子及配享諸賢士像用栗木作板又以孔子大聖人也
無其位而尊之以王辨必不享矣遂去大聖文宣王之號
題位板曰至聖先師孔子之位顏曾以下皆去爵號曰復
聖顏子宗聖曾子述聖子思亞聖孟子閔損以下曰先賢
左丘明以下曰先俊我國平壤間城之像至是亦依中朝
例瘞之今不復有矣

柳官羅記
芝峯類說

○壬辰兵火廟貌權安於典祀廳還都首議重營大成殿
建於辛丑明倫堂成於丙午

月泐集

初癸巳還都上欲親祭文廟以慰先聖之靈禮官以為
聖殿燒盡行禮無所上曰神之在天下如水之在地中
無往不有惟其致誠則神在是矣故古人或設冊而祭豈
必待木主遂命筭壇學宮之側設位以含菜

月泐集

壬寅文廟重修告成謁先聖

政事撮要。文獻備考作辛

由此觀之則倭奴放火文廟而終不能燒乃曰嗚呼夫子萬古夫子之說虛語也

壬辰後始廢朔望奠只焚香

舊有碑亦為兵燹所推碎

仁祖丙寅命李弘胄改書于

石金尚容篆額李廷龜記其梗槩于碑陰

月汝集

○仁祖丙子之亂典僕鄭信國朴潛義等與鄉儒大學士

羅以後等三人載木主八南漢登覽埋於山谷得免

朝野記聞

時文宣王以下至十哲位版奉八山城東西廡位版則并

奉瘞殿後而蒙兵偶不掘出故得免汚辱下人男女皆避

嶺東亦免虜戮

亂離雜記

○仁祖朝相臣申欽劄曰

○孝宗二年九月 上幸學禮官啓曰在昔謁聖不行於
釋奠之日則或有酌獻之禮或只焚香今 殿下嗣服初
謁聖廟當行酌獻矣 上從之自是幸學必行酌獻遂為
定制

啓聖祠

宣祖甲戌趙憲疏

設下

曰臣又見聖廟西北有啓聖廟啓聖

公孔氏在北顏無繇孔鯉在東曾皙孟孫在西東西廡又

有程珦蔡元定朱松蓋學校所以明人倫也顏子曾子子思

在於廟中顏路曾點伯魚皆然在下於常人亦有所不安况聖

賢乎故世宗皇帝始作別廟春秋釋奠同時行事所謂子雖齊

聖不先父食者也竊見我國文廟之西有地閑敞若議立

廟春秋同祀則庶乎倫全理得而一國之為父子者定矣

皇朝嘉靖九年別立啓聖廟以叔梁紇稱啓聖公以顏

無繇曾點孔鯉孟孫氏稱先賢左右配享程珦朱松蔡

元定稱先佖兩廡從祀釋奠日子夜用小牢先祭從議

臣之言也至是禮官達白請依中朝別立啓聖廟而不

克施行議者惜之 芝峯類說

○顯宗中冬籍學儒生中應徵等 一百三十餘人 上疏曰伏以

臣等竊惟學校之道莫先於明倫享祀之禮莫重於尊賢
而以明倫之地未免有倫序之倒置以享賢之廟未免有
祀典之闕遺則豈非斯文之遺恨而 昭代之欠事乎臣
等伏見文廟從祀位次則顏子曾子子思坐於堂上而顏
子之父無繇曾子之父黜子思之父鯉坐於廡下臣等謹
按春秋傳曰子雖齊聖不先父食久矣故禹不先鯀湯不
先契今以子先父則其為逆祀孰甚焉昔夫子譏臧文仲
不知者三而從逆祀居其一焉今享祀於夫子之堂而從
其父子之逆祀則其為不知亦甚矣且以常人論之子坐
父上則其駭俗悖禮當如何而事神之理與事生何異哉

然則顏子曾子子思之靈豈肯一日安於廟廡之上而享其非禮之祀哉臣等所謂倫序之倒置者此也孔孟程朱周張之文則皆無享祀之事焉今夫勲勞著於一時者朝廷尚有榮及父母之典况彼先聖先賢之父篤生聖賢有功萬世而不得食報於後世則烏在乎慕聖崇賢推原報功之意也是以先儒洪邁熊禾皆以為宜別設一廟祀叔梁紇而諸賢之父以次配享則庶不失以禮尊奉聖賢之意而亦可以示有尊而教民孝矣厥後皇明洪武弘治間儒臣宋濂方孝孺程敏政謝鐸等皆以請立啓聖廟事前後陳請而至嘉靖初閣臣張孚敬復引程謝諸儒之言申請得旨定議立祠而中祀啓聖公叔梁紇以顏無繇曾點孔鯉孟孫氏配享以程珦朱松蔡元定從祀焉最後至萬曆

中因國子監學錄張養蒙題請周敦頤之父輔成張載之
父迪亦比珣松之禮并得陞祀此皆皇朝已行之典而我
國之所當遵倣者也伏願

請以龜山楊時豫章羅從彥近平李侂從祀兩廡

禮書啓目觀此中應徵等疏云云既已行之於中國今依
疏中所陳別建落聖廟允為合宜程珦首識濂溪子屬吏
之中薦以自代又使二子從學朱松臨沒以朱子托其友
籍溪胡氏而得程氏之學珦以不附王安石新法退居於
洛松以不附秦檜和議奉祀于閩自以賢士大夫篤生大
賢從祀於落聖廟不亦宜乎係是大段更改事體莫重問
議于大臣及在野諸位臣何如傳曰允

領相鄭太和議東方文廟之禮一從中朝定制至今遵守

其在太明時已經講定之事無論久近固宜悉做施行至
於始自我國新有增減陞降無亦不可乎顧中樞李景奭
議雉伎之疏禮曹四啓詳悉歷陳俱有考據行之則豈不
為盛世之聳觀而去固已邈臣甚茅塞此等重典決非昏
老者所敢輕議判中樞鄭致和議追舉欠典似無不可以至
於到今變古新增配享改定位次事甚重難宜可詳慎判中
樞宋時烈議今茲聖廟損益因革之議只從皇朝禮及先
儒定論則庶幾寡過然如或曰當有陞黜之舉則元之許
衡亦有先正之論而禮官終不舉論豈以時勢有所不可
耶大槩微臣愚賤之見則以為宋朝宗廟之制循俗不古
者多矣然朱子之意以為始以權宜稍變其甚戾者以期
異時興復之後正千載之謬成一王之法則又善之大者

也今日事亦在 聖上自度力量事勢之如何如曰事有
緩急姑未暇於制作等事則今且權行倚閣以待後日可
也如或不然則雖此小變通之事且從禮官之議以慰章
甫之心亦或一道也贊善宋俊吉議啓聖廟之制即中朝
之所已行而其意自好李迥平之從祀即朱子所已行而
其意實非偶然則此兩款尤不可不急速舉行其餘禮制
徐加商量以求十分是當似或得宜但中朝啓聖廟周濂
溪張橫渠之父亦果得列於程朱之父耶其兩人事行與
中朝已行之典更當詳考以處左議故許積病不獻議
上曰依諸議啓聖廟一款姑先舉行可也 朝野僉載 於是
事下攸司以年侵待給舉行事定奪 朝野記聞

○肅宗辛酉七月十月掌令鄭勗疏畧曰明孝宗弘治中給

事中張九功建議別設啓聖殿祀叔梁紇以顏路曾哲孔
鯉孟孫氏配享我朝大小祀典皆遵大明之制而獨於此
廢之不行宣廟朝先正臣趙憲議請設行而竟未採施
臣之愚意創建別殿名以啓聖叔梁紇居正享之位四聖
之父分處東西之座又以程太中朱韋齋就居其下春秋
釋菜一体行事則其於尊聖報本之道兩得而無憾

上令議大臣票處禮曹啓曰啓聖廟曾在先朝因錦學
儒生申應徵等陳疏收議大臣及儒臣處創建事已有成
命而連日孟歲未及舉行則今不必更議朝野記聞

十二月采時烈疏一款顏曾思之父子位置揆以天理人
情實為未安若依中朝例作啓聖廟而以顏路曾哲孔鯉
孟孫氏程昞束松配於叔梁紇則名正理得事體完備矣

朝野僉載

庚辰

二十六年十月

初四日
書謹

判敦寧崔錫鼎所啓啓聖廟之議

此是賢闕重事事係崇儒而臣之愚見抑異於此國有太
學尊事先師以門弟子及後世儒賢徒享事理當然至於所
以上之設立啓聖廟似無意義其在事体義理俱涉未安
時詢諸大臣儒臣務歸至當同知事吳道一曰事係從周
且有先朝成命固難容議當此飢癘連年民窮財竭之
日禮樂文物亦有所未遑者姑待後日徐議之恐無不可
錫鼎曰吳道一則只以事勢言之臣意不知其必可行矣從周之義
亦有不然者啓聖廟乃末世一議臣之事如王守仁之從
享亦出於李葉何可一以從周之議處之上曰議于大
臣及儒臣後稟處

領相徐文重議曰雖有中朝已行之事我國既不遵行則
恐非後世必可行之典禮况今時勢事力有難暇及於彌
文繁節退議於三百年未行之舉姑俟後日亦合事宜
左相李世白議曰此議非初於今日始自宋末以至明倫
論之已詳中朝行之先王亦從其議到今諉之於終無
意義遂廢中朝已行之典先朝已下之命臣未知其
果如何也若參以今日事勢姑且寢閣以待後日則容或
得宜

右相申琬議曰子雖齊聖不先父食別享之議亦不無於
禮意而至於推而廣之於周程張朱之義曾不在祀典之
人而一體并祀則未知果合於義理也今則唯當遵中朝
之典禮進先王之成命而若謂繁禮彌文非今日之急

務則惟在聖明量度而處之

領中樞南九萬議曰前後諸人所執以為言者以顏曾思
父子位次之倒置也竊以此義推之未知啓聖廟之制棟
宇之高庠間架之潤狹祝幣奠獻之節犧牲籩豆之品軒
懸之樂六佾之舞將一用王者之禮與大成殿無少差別
耶抑或有所減損者耶若一如大成殿則毋論禮意之如
何事勢亦必不逮若稍有減損則論以孔聖尊其所生之
心豈不慙慙然有不自安其大享者耶顏曾思之先於其
父有孔聖在上猶可以壓尊之義為言至於叔梁紇不祀
則已祀之而有降於孔聖又將諉之以何義耶欲以安顏
曾思之心而反致孔聖之不安則豈不有乖於輕重之倫
耶大凡人於其祖先誠有推及追遠之義至若尊師道則

雖孔門諸弟子只為孔子服喪三年而已必不推及於孔子之父而況千萬年之後目尊祀孔子之義推及於叔梁紇又曰叔梁紇之祀曾點顏路孔鯉之外又推及於不知名字之孟孫氏又推及於程周朱張之父有若臣僚之受爵於朝廷退贈其祖考者然其在為聖賢崇德報功之義無乃有敬尊而反卑之嫌耶且經曰七世之廟可以觀德雖祖宗之廟惟有功德如殷湯周文武不遷而已自其稱以上無不以次祧遷去祧而墀去墀而鬼古之禮也今乃為自古在昔悠遠聖賢之父不問其功德有無毋論其名字之知不知通祀於天下永世無極揆之禮義恐必不然定奪於先朝而不昂舉行者無或有論議之猶未定制度之猶未詳而然耶

判中樞柳尚運議曰南九萬獻議中藉曰當行終歸於彌
文不如姑寢以待後日者似是功至之論

判中樞尹趾善病不敢議領敦寧尹趾完議曰崔錫鼎奏
達之言故與臣意一般

左叅贊尹拯啓不敢仰對吏曹叅議權尚夏啓病未仰對
傳曰兩儒臣處更往問議尹拯再啓不敢當儒臣之名故
從前收議一不敢仰對况此事皇朝之所已行先儒之所
嘗論也縱有區區所疑於私心者亦何敢率爾論斷以犯
不韙之罪權尚夏再啓記昔太學陳章上請臣以齋仕實
有所與聞矣盖此事既據皇朝令典且有先王成命當
時存舊長德皆無異議而至於臣師宋時烈宋浚吉則或
以為名正理得事體完脩或以為增重儒學不可不加重

臣習聞緒論到今朝論非之臣何敢更有所可否於其間
我十二月大臣備局諸臣引見時上曰啓聖廟營建事此
乃皇朝已行之事且先朝因多士陳疏廣詢大臣儒臣
已有命今不可猝然變改頃見右相收議正與予意相
符依右相議施行可也

辛巳正月禮曹叅判李塾所啓啓聖廟既已營建祀典不
可不預為定奪頃日領府事南九萬議中云云此出於深
思遠慮不可不商確處之啓聖廟營建後當以位版奉安
顏路曾點孔鯉則既有封爵無復可議而至於叔梁紇孟
子父則俱無爵雖位版以何稱歸書之乎左承旨沈樺請
令就議大臣同副承旨南正重曰事體甚重非但議于大
臣在外儒臣一體詢問宜矣

南九萬議臣前於收議敢陳愚妄之見到今營建既有成
命則其於節目間誠不敢更有所參論然而既承下詢亦
不敢不對啓聖廟規制之降殺臣於前議已獻所疑雖以
顏無繇等三賢言之今若移配於啓聖廟則庭無樂辭真
只脯酒儀文之備反不如在聖廡時雖曰尊奉實則降損
豈不尤有所未安乎至於叔梁紇孟孫氏稱弔考之宋元
之際有封叔梁紇為公者又以子為王父為公為未安加
封以王者元人又有追封孟顏之父為國公者而曾皙孔
鯉則不論故四聖父爵弔亦有尊卑之不同且洪武子夜
之祭只稱啓聖公叔梁紇先賢顏無繇等云嘉靖定制并
去文宣王以下爵弔只書以先聖先賢若欲必遵皇明典
禮今當先改文廟羣聖賢位版之題而乃於啓聖廟更用

宋元時封爵其於從周之義亦未知其可崔錫鼎議今此
啓聖廟之議若以不先父食之義為主則今外方大卅牧并
祀西廡之處位次亦有所妨碍為此之慮令并皆建祠則
非但事力不逮推去太過若以篤生聖人為主則外州牧
似不必一如太學之制因此推之域外藩邦亦不必一如
中國之制如此等爵必須貫徹然後方可行之無碍凡天
下事初不十分審察後必有悔李太白議今日之舉出於
從周之義則凡係大小節議亦當以中朝之制倣而行之
明史嘉靖十三年帝視太學以孔子改稱先師服虔并謁
拜用特牲奠帛樂三奏文舞八佾從祀及啓聖公奠用酒
脯云則其奠獻之節不曾一如聖廟此猶可見且張璁議
中所引熊禾之言曰宜別設一室以齊國公叔梁紇居中

南面祀國公顏無繇萊蕪侯曾點泗水侯孔鯉邾國公孟
孫氏侑食西嚮又曰以程太中朱松蔡元定從祀云以此
觀之叔梁紇孟孫氏亦未嘗初無封爵而到今稱號似有
可據即今彼中尚多仍用明制前頭使行時更為探問則
可以益得其詳中琬議啓聖廟議雖肇於宋末諸儒而洪武
年中已議其制春秋上丁以太牢祭先師孔子是日子夜
以小牢先祭啓聖公孔氏顏無繇曾點孔鯉孟孫氏左右
配享云則立其祠宇雖在嘉靖而實遵洪武舊制非張孚
敬所初議也且明史中既稱啓聖祠則祠與廟有間雖以
帝王家言之真獻殊數之禮儀章隆殺之節隨其年代雖
或不同曾不為嫌而獨於聖廟而疑之乎至於叔梁紇孟
孫氏俱無爵號云者禮官似未及考出而祠版既無書名

之事且已有封爵於前代則到今不必別為稱號徐文重尹
趾善柳尚運病不獻議尹趾完議禮官所達事理當然權尚
夏議按孔子通記有曰漱公宜者娶仇氏生孟子三歲而漱公宜卒第
未知三字皆是名耶抑漱公是爵而宜是名耶且配位四聖旣不
書名字則於此四位亦以某爵某氏書之尤似得宜至於祝幣
籩豆啓聖公與充國公俱是公爵不宜異同樂佾則後世公侯之稱
皆是列卿之秩似不當純用古諸侯之禮也蓋得為而為之禮也
不得為而不為亦禮也啓聖廟與宣聖廟有所隆殺驟看則
似若未安而各正其禮義當理得聖人之靈豈有所不安者乎
禮曹啓史籍詳考則叔梁紇宋祥符中進封齊國公孟孫氏
元時進封邾國公位版書式似無可疑之端至於祀典則
皇朝已行之品式詳載於所謂圖書編中惟當以此倣而行

之命依皇朝之制以啓聖祠揭稱祠在正開堂記

三月禮書啓啓聖祠祭器品式取考皇朝圖書編則啓聖
公位器數品式與大聖位一體而所減者牛一四聖位比
大聖位減牛一籩二啓聖公配位則又降殺於四聖故減
羊一簋簋各一籩豆各四我朝則大聖位與配位一體啓
聖公與配位亦當一體而器品則不可無降殺之節圖書
編所載啓聖公位則帛一羊一豕一爵三配位則各帛一
爵三豬肉二矣從啓聖公位器品則所減者牛二太無減
殺之意從配位器品則與圖書編所載十哲從享儀相同
而無一羊矣羊豕從啓聖公用而器品則從配位與十哲
從享儀磨鍊而享官則從圖書編所載以國子三品官之
送宜常

又啓曰十哲位則元無祝文若依聖廟祝式舉行則亦無
隆殺之節祝辭中只以朝鮮國王書填似為合宜傳曰依
為之五賢位版令奉常寺造成于泮水堂 齊國公孔氏
版中絕群主享曲阜侯顏氏無錄東萊蕪侯曾氏點西泗
水侯孔氏鯉東邾國公孟氏元時西

啓聖祠奉安時大成殿告由祝文惟我宣聖萬世之師有
傳有受道統昭垂肆配四聖享祀孔殷既極崇奉寧忽推
原今茲立祠從周之義消吉舉禮敬設神主粵惟三賢曾
配于廡祠版新改埋安厥舊薦此泂酌用伸虔告儀文粗
脩庶賜鑑照啓聖祠五賢奉安祝文齊國公孔氏篤生大
聖道冠百王推原沂本功德茂章今奉新廟以述先事是
安是享格我誠意曲阜侯早遊聖門首蒙謗振又誕復聖

益顯功德昔從庶享今配新廟是禋是祀儀文畢耀業蕪
侯曾氏舍瑟言志式蒙聖與誕我宗聖功德罕著昔祀于
廡今配啓聖俎豆有光享祀益永泗水侯孔氏過庭詩禮
家業有傳復誕述聖克紹乃先今由廡享新廟于配俎豆千
秋祖孫一體邦國公孟氏曾邦公族聖人之後誕生亞聖王
賴有傳授式闡宗奉以報公德俎豆配食新廟有洎并朝野記聞

○英宗十五年命諸道卅府大邑待年豐建啓聖祠
三十五年以御筆書下啓聖祠額命揭之

○元文宗時孔思晦上言宣聖封王而父鬻猶公願加褒
崇乃封齊國公為啓聖王而皇明洪武子夜之祭尚稱公
而不稱王故我國亦遵之

文廟從享

大成至聖文宣王 居中南向

東一 宛國復聖公顏回 子淵

西一 邾國宗聖公曾參 子輿

東二 沂國述聖公孔伋 子思

西二 鄒國亞聖公孟軻 子輿

以上配享

東一 魯公閔損 子騫

西一 鄆公冉耕 伯牛

東二 薛公冉雍 子弓

西二 齊公宰予 子我

東三 蔡公端木賜 子貢

西三 徐公冉求 子有

東四 衛公仲由 子路

西四 吳公言偃 子游

東五 魏公卜商 子夏

西五 穎川侯顓孫師 子張

東六 道公周敦頤 茂叔

西六 豫國公程顥 伯淳

東七 洛國公正叔

西七 新安伯邵雍堯夫

東八 鄆伯張載子厚

西八 徽國公朱熹仲晦

以上自西廡陞殿內

東一 金鄉侯湛臺滅明

西一 單父侯宓不齊子賤

東二 任城侯原憲

西二 高密侯公冶長子長

東三 汝陽侯南宮适

西三 北海侯公皙哀子洸

東四 須昌侯商瞿子木

西四 共城侯高柴子羔

東五 平輿侯荼離開子若

西五 睢陽侯司馬黎子牛備考

東六 益都侯樊須子遲

西六 平陰侯有若子若

東七 鉅野侯公西赤子季

西七 東阿侯巫馬施子期

東八 千乘侯梁鱸叔魚

西八 陽穀侯顏辛子柳

東九 臨沂侯冉孺子魯

西九 上蔡侯曹卬子循

東十 沐陽侯伯虔 子林 西十 枝江侯公孫龍 子石

一東十 諸城侯冉季 子產 一西十 馮翊侯秦商 子南

二東十 濮陽侯秦離 子歟 二西十 雷澤侯顏高 子瞻

三東十 高宛侯秦離 父子交 三西十 上邽侯壤駟赤 子徒

四東十 鄒平侯高澤 子房 四西十 成紀侯石作蜀 子明

五東十 當陽侯任不齊 子素 五西十 鉅平侯公何首 子素

六東十 牟平侯公良孺 子素 六西十 膠東侯后處 子之

七東十 新息侯秦冉 子開 七西十 濟陽侯奚用歲 子世

八東十 梁父侯公肩定 子中 八西十 昌歲侯顏祖 子素

九東十 聊城侯鄒單 子宇 九西十 塗陽侯句井彊

十東十 祁鄉侯罕父黑 子素 十西十 甄城侯秦祖 子不

十一東十 即墨侯公祖句茲 子素 十一西十 厭次侯榮榮新 子頡

東二 武成侯縣成 子橫

西二 南華侯左人 鄧行人

東三 沂源侯燕俊 子思

西三 朐山侯鄭團 子徒

東四 宛句侯顏之僕 子叔

西四 樂平侯原元 子籍

東五 建成侯樂欽 子鼓

西五 昨城侯廩潔 子庸

東六 堂邑侯顏何 皇朝鼎

西六 博平侯叔仲侯 子期

東七 林慮侯狄黑

西七 高堂侯邾英 子欽

東八 鄆成侯孔忠 子茂

西八 臨朐侯公西興如

東九 徐城侯公西藏 子尚

西九 內黃侯邁瓊 簡王

東三 臨漢侯施之常 子恒

西三 長山侯林放 子公

東一 華亭侯蔡非 子之

西一 南頓侯陳亢 子禽

東二 文登侯申張 子續

西二 湯平侯琴張 子間

東三 濟陰侯顏噲 子穀

西三 博昌侯步叔乘 子車

東三 中都伯左丘明

西三 臨淄伯公羊高

東三 睢陽伯穀梁赤

西三 乘氏伯伏勝

東三 萊蕪伯高堂隆

西三 考城伯戴聖元德 皇朝崇

東三 樂壽伯毛萇

西三 江都伯董仲舒

東三 彭城伯劉向皇朝崇

西三 曲阜伯孔安伯

東三 中牟伯鄭眾仲師 皇朝祀鄉

西三 緱氏伯杜士春

東四 良鄉侯盧植子朝祀鄉

西四 高密伯鄭玄康成

東四 滎陽伯服虔子慎 皇朝祀鄉

西四 新野伯范甯皇朝祀鄉

東四 昌黎伯韓愈退之

西四 溫國公司馬光君實

東四 將樂伯楊時新陞

西四 文質公羅從彥新陞

東四 建寧伯胡安國

西四 文靖公李侂

東四 華陽伯張栻敬夫

西四 開封伯呂祖謙

東四十六 文甫公黃幹 新陞

東四十七 浦城伯真德秀

東四十八 弘儒侯薛聰

東四十九 文成公安裕

東五十 文敬公金宏弼

東五十一 文正公趙光祖

東五十二 文純公李滉

東五十三 文成公李珣

東五十四 文元公金長生

東五十五 文正公宋浚吉

西四十六 崇安伯蔡沉

西四十七 魏國公許衡

西四十八 文昌公崔致遠

西四十九 文忠公鄭夢周

西五十 文憲公鄭汝昌 倫考憲作獻

西五十一 文元公李彥迪

西五十二 文正公金隣厚

西五十三 文簡公成渾

西五十四 文正公宋時烈

西五十五 文純公朴世采

○ 萊蕪侯曾點 曲阜侯顏無繇 泗水侯孔鯉

以上從兩廡陞啓聖祠

○蘭陵伯荀况

涇川侯中黨

壽長侯公伯寮

司空王肅

司徒杜預

岐陽伯賈逵

扶風伯馬融

任城伯何休

偃師伯王弼

臨川伯吳澄

以上默享

○十哲始皆封侯至宋度宗時并陞封為公今於顯孫師
獨書以侯而不書度宗所封陳公可龍

漢后蒼隨王通宋歐陽脩胡璣陸九淵明薛瑄王守仁
陳獻章胡居仁皇明所從祀而我國則不為從師

○高麗顯宗以崔致遠貽書太祖雞林黃葉鵠嶺青松之
語為密贊祖業功不可忘特令從祀先聖廟庭 芝峯類說

我朝從祀之典多有未喻者如崔致遠徒尚文章而說
佛又甚每見集中佛疏等作未嘗不深惡而痛絕之與

享文廟豈非尊聖之甚乎 退溪集

○開城府及各道界首官鄉校依太之制餘州府郡縣內

從享十哲兩廡只從享朱四賢周程及東國十五賢

○太宗七年成均館上箋請郊泝二公配享于先聖以子張躋于十哲左攸承河崙亦獻議請從之

時許稠朝京道謁闕里見其從祀陞點之制歸請以董仲舒從祀點楊雄之享禮官上箋請之上從之又以許衡

從祀

○中宗丁丑九月大學士權碩等疏請高麗侍中鄭夢周

從祀疏畧曰自檀箕以來無一人啓倡斯道是東方之恥

也惟幸皇天眷佑迺生儒宗鄭夢周於麗李挺起卓之姿

乃蓋經濟之才研窮性理學海淵博深有自得講說發越默

會與旨暗合先儒忠孝大節聳動當時制喪立廟一依家
禮文物儀章皆其更定達學設教丕興儒術明斯道證後
學東方一人而已此學固程誠亦有級此功固程殆有同
焉宜為從祀文廟明東方萬世道學之重而庶斯民知有
所宗也 上從之

○我東儒先之從祀文廟者崔致遠薛聰安祿鄭夢周金
宏弼鄭汝昌趙光祖李彦迪李混凡九人而光祖外皆嶺南人可謂
盛矣世稱嶺南為人才府庫豈不信哉

荊峯類說

This image shows a blank, aged, cream-colored page from a book. The page is ruled with vertical lines, creating several columns. A metal fastener or clip is visible on the right edge, holding the page in place. The paper has a slightly textured appearance with some minor discoloration and small dark spots, characteristic of old paper. The overall tone is warm and historical.

五賢從享

金宏弼 鄭汝昌 趙光祖 李晉迪 李混

宣祖元年戊辰太學生洪仁憲等上疏請以趙光祖從祀
文廟大諫白仁傑等結請不許十月白仁傑劄曰吾東方
道學自鄭夢周金宏弼以來始有淵源逮至趙光祖以傑
出之才闡明程朱之學循蹈規矩非禮不動大勵名節興
起斯文得君致理脩行德政庶幾復見二帝三王之盛而
奸臣南袁沈貞等肆其鬼蜮搆成貝錦竟致冤死朝野之
痛久而彌新獨宮中以奸邪蔽蔽之深未之知耳 中廟
晚年收用先祖輩流之賢才 仁廟末命追復先祖已遠
之官爵公論可謂少伸而物情猶為憤惋者以先祖之道
德忠義未盡暴白故也當今臨御伊始四方風動國論不
可以不定士習不可以不正謂宜推獎真儒極其褒崇贈

以高官美謚列諸從祀文廟之典則明天理淑人心一道
德同風俗豈不足為清朝之感舉乎

靜庵集

庚午四月館學儒生上疏請以金宏弼鄭汝昌趙先祖李
彥迪四人從祀文廟上曰如此重大之事不可輕舉疏

三上不允

靜庵集

五月兵部白仁傑上疏請以趙先祖從祀文廟領相李汝
慶議啓曰從祀事仁傑之意雖指趙先祖而吾東義理之
學實自金宏弼啓之兩人從祀文廟實無所愧聖教以為
不宜輕舉臣等不敢容喙

石潭日記

癸酉館學儒生疏請五賢從祀文廟上曰公論久然後
乃定不可輕舉

謹按我國受命以來諸儒非無可從祀者而今尚闕焉

豈非盛典有虧乎前朝從祀者鄭文忠一人外其餘薛
聰崔致遠安珣則無與於斯道如欲裁之以義則三人
者可以祀於他所而不可配於文廟也茅以諸賢沈請
則其間豈無優劣乎全文敬鄭文獻則言論風旨微而
不顯李文元則出處頻有可議者惟趙文正倡明道學
啓牖後人李文純沈潛義理模範一時斯二人者表出
從祀則夫誰曰不可哉

石渠日記

甲戌典藉趙憲請四賢從祀畧曰 殿下項於館學從祀
之疏屢陳而不允近臣經席之啓亦不領可沮一世向善
之心臣竊憫焉金宏弼肇倡道學而有緒往開來之業趙
先祖純明斯道而有拯世淑人之功李彥迪體道純篤而
有扶顛持危之力茲三人者求之中朝則許衡薛瑄之外

鮮有倫比而求之東方則薛聰崔致遠安裕之徒未有及其見到處者况如李滉集東儒之大成而紹朱子之嫡統進則引君當道之誠懇懇乎章疏之間退則目才設教之意切切乎講論之際善者聞言而景慕惡者望風而自戢當今之士稍知尊君愛親而有禮義蘆肥者皆薰其德而興起者也但國家既不能大用於生時識者已歎其太平之難見而又不肯崇獎於死後不惟媚嫉放誕之輩傍觀竊喜而首之興起者咸有沮喪之心伏願 殿下極獎四賢列于從祀云云

靜庵集

丙子白仁傑疏畧曰我國從祀之賢惟鄭夢周協于士望其餘薛聰崔致遠安裕輩皆出趙光祖下遠甚尚享盛禮而以先祖之學之功獨無報祀臣竊痛心伏望高議大臣

俾列從祀之典云云 靜庵集

己卯五月知樞白仁傑疏畧曰我國自箕子設教之後數
千百載以儒名世者寥寥無聞獨鄭夢周始倡道學金宏
弼克承其緒猶未大著至趙先祖篤志學問動遵矩矱云
云先祖之賢人無間然而羣臣乃以為曲學詭行之人至
於市井之廬墓者目為詭行之人而欲訕之士夫之向方
者指為己卯之餘孽而攻斥之故嘉言善行泯滅而無傳
焉 殿下即位之初臣啓於經席曰宮中至今必以先祖
為逆賊 殿下曰先祖之非逆賊宮中已知之矣然儒生
賜額之疏雖非閑重而亦不見許云云 靜庵集

辛巳十月戶判李珥啓曰今欲明教化則必須尊獎先賢
使後學有所矜式而自上海以為重難焉 近日賢者雖

不可悉八祀典如光祖倡明道學李滉沈潛理窟此二人誠可從祀以起多士向學之心

光海戊申雖學儒生

疏英叔撰

畧曰天眷我東列聖相承誘

掖振作人才輩出時則有若文敬公金宏弼文獻公鄭汝

昌文正公趙光祖文元公李彥迪文純公李滉俱以命世

之儒遠承不傳之緒出乎類拔乎羣而山斗於一時倡於

前繼於後而日月乎長夜論其學則瀛洛閩閩語其志則

堯舜君臣誠可謂稀世之真儒百代之宗師而尚闡崇報

之典未享茲芬之事云云

靜庵集

庚戌七月十七日五賢從祀事三司及京外儒生抗疏論

請命議大臣大臣皆請速行命依議施行

擬川日記

金宏弼鄭汝昌趙光祖李彥迪從祀之請自庚午始及

李滉沒則多士之願益切而請益勤積三十九年而

宣廟未之許非以為不可特重其事而不敢遽光海踐

阼之二年首詢于大臣而允其請庚戌九月辛亥親釋

奠于先聖先五日祭告以五賢序于西廡

累伏集廟
禋祀序試士

取金
闔等

鄭仁弘憤李彥迪李滉之短其所師曹植上疏詆誣金堦以

掌議削仁弘文籍光海怒命摘發禁錮賴大臣免焉

五賢從祀後禮判李廷龜啓曰本國文廟從祀與大明會

典所載位辨陞黜大相不同願何荀況公伯寮秦冉劉向

戴聖賈逵王肅馬融杜預何休王弼天朝今黜於廟遽泊

玉林放鄭玄鄭眾盧植服虔范甯吳澄天朝今改祀於鄉

而我國則并仍在后蒼楊時王通歐陽脩胡瑗薛瑄胡居

仁王守仁陳獻章則天朝增八從祀正統丁巳以胡安國
蔡沉真德秀從祀而我國則闕焉中樞中堂本只一人而
家語及史記互載其名誤為并祀天朝革堂存棖而我國
則未革蓋我國祀典只遵明朝正統元年刊定之制至嘉
靖九年天朝禮官始博考典禮無採肇禮無程敏政瓊山邱濬等之

論乃有釐正陞黜之舉特我國未及舉行耳今者大明會
典既以釐正之制刊定頒布臣等竊考而尚論馬融為
梁冀草奏殺李固以貪濁荒官髡徙朔方劉向善誦神仙
方術上書言黃金可鑄不驗獲罪公伯寮黜子路以沮孔
子荀况學傳李斯論著性惡王肅汚身權奸背魏徒晉何
休解詒春秋黜周王魯賈逵之附會圖識王弼之宗旨老
莊載聖之貪賊杜預之短喪皆得罪名教至於顏何秦冉

俱無現出處又不載家語七十子之數程敏政以為名字
流傳之誤天朝之廢崇宜矣王通雖有潛經之譏常魏晉
潰裂之餘講說孔孟之道并未三十筭壇河汾楊時傳道
統於南渡之後衛道之功不下程朱胡璉首倡體用之學
大闡學校之法鼓陽脩不獨志義文章推尊韓子孟子以
達孔子薛瑄胡居仁中朝先儒之中其學最為純正后蒼
事業雖不著自漢初說禮數萬言使禮記之書復傳於世
天朝之增祀宜矣其中鄭玄鄭衆服虔盧植范甯吳澄則
程敏政之議以為所著未足發聖學蘧伯玉林放則實非
孔門弟子天朝并祀於鄉我國無可祀之鄉今難遽罷至
於象山陸九淵陽明王守仁白沙陳獻章天朝雖并陞祀
而其所著論未免流於異端恐不可擬於增祀之列也且

天朝補孔子以至聖先師補四配以復聖顏子宗聖曾子
述聖子思亞聖孟子十哲及門弟子皆補先賢左丘明以
下皆補先佺而我國則皆用謚號與封爵夫子之謚代各
增損至唐開元始封為文宣王至於胡元加以大成立濬
以為孔聖在天之靈必不肯受其謚豈不然乎今補為至
聖先師其號始大而其尊無比可謂度越前代矣補聖補
賢補佺并依皇朝定制為當但七十弟子俱補先賢而如
周程張朱則孔孟後大賢只以生之先後座在左丘明以
下之列并補以佺不得補賢殊甚無別焉若以生世為座
次高下則子思何居孔鯉之上孟子何以并顏魯之列乎
聖廟道之會恐不當論其時世之先後也臣等妄意周程
張朱則補以先賢陞於殿上似為合理今值從祀五賢之

會相臣獻議亦已葢端請令大臣商量定奪依格享恒福
議畧秦火之後禮樂散亡曾高堂止獨能誦說儀禮以傳
蕭奮蕭奮傳孟卿孟卿傳后蒼世世遂為專門之學程敏
政以為事業不著后蒼在孟卿之後卿乃漢中葉以下人
今乃云在漢初殊不可曉也后蒼之學再傳而至二戴二
戴兄弟也其曰聖兄也世所謂大戴也其曰德弟也世所
謂小戴也各有論著禮書朱子多取大戴禮其以貧賤敗
者史氏或言為仇家所搆此則固未敢明知其虛的而敏
政之論後佞多短之不惟賣題之為可羞其所著道一一
篇不免為吾佞之罪人其所定論恐不能為後世之新案
尹斗壽議臣之妄議姑依我國之舊以待後日公論似或
無妨云云 文集

天

李珣成渾從祀議

仁祖卽位初海西儒生首疏請以李珣成渾從祀文廟不

許乙亥五月籍學儒生宋時瑩等

二百八十一人

疏畧曰粵自先

聖先師享廟宮之後專祀後儒之有切斯文者例皆從食

於西廡其在我東於羅則有若崔致遠薛聰於麗則有若

安裕鄭夢周於本朝則有若金宏弼鄭汝昌趙先祖李彦

迪李滉等五儒臣皆其人當

明宣之際結李滉而為儒

林所宗者有二人焉文成公李珣文簡公成渾是已癸未

年間珣為羣小所搆渾在洛下陳章仲辨遂為一邊人所

搆嫉初中李弘老巧諂卒被鄭仁弘醜詆使先王好賢之

誠不得保全終始抱冤泉壤數十年逮我聖上當宁始

得昭雪臣等竊念此二臣者生五賢之後講學明道發揮

幽妙凡理氣離合四端七情等說諸儒所論互有得失而
反覆論辨極其歸趣使能晦者復明缺者復完擴其所未發
匡其所未逮東方理學源委於是乎殆無遺憾可謂盛矣
夫二臣者之於斯道也其切其慙有如是者而崇報之典
至今寥寥此誠臣等之罪抑恐為聖世欠事也答曰李珣
成渾雖曰善人道德未高疵累有諉莫重從祀決不可輕
議矣

同日蔡振後吳挺一等

五十七人

疏畧曰李珣辭賊疏及宣

祖罪成渾之教觀之則其所以不合於從祀斷可知矣珣
之文章才學足為一時之名臣則謂之賢大夫可也至於
從祀則有出處不正之譏渾則又下珣者大相遼越而況
有已著之罪名其黨奸之狀一時所論或有執言之地矣

至於遺君之迹萬目所睹彼安得逃其罪乎幸賴聖明
舍垢之德得蒙復官之典則其賜亦多矣當其會議之初
臣等舉此二者爭之則齟齬任尹唯謹等強執意見沮遏公
論厲聲作色曰所見若異出公云云臣等為其所忤出避
夾室則目以邪說恣意削罰使不得接迹於館中臣等步
至東學即又呈箚學官使之驅逐云云

疏色批光
洙所製

荅曰文

成公李珣等從祀之請極僭猥予亦知其不可矣

宋時瑩等再疏辨誣荅曰文廟從享非人人所可堪當爾
等退脩學業更勿為無益之言疏凡五上不得請

領相尹昉右相金尚容等劄極言西賢臣無愧於本朝諸
賢之列於文廟者又陳蔡振後等別為一隊醜詆先賢非
士子義習荅曰省劄具悉蔡振後不俟國家處置徑先陳

疏殊甚淳妄矣

左相吳允謙劄曰臣病伏邪外伏見宋時瑩之批曰疵累
有謫蔡振後之批曰殊極僭倨臣不勝驚歎最後得見振
後等誣誣而賢臣之疏其搆捏眩亂之狀極其狼藉人心之
不淑士習之乖悖良可痛心臣成渾門人也詳知成渾心
事只有老臣在耳請陳成渾被誣曲折癸未年間 宣廟
信任李珣魚水之契千載一時大為羣小所忌嫉將搆成
不測之罪其時成渾適被徵至京上章論救李珣 聖批
優容以為賢者有益國家如此此是黨論指目之權輿也
至辛卯士禍大起一邊之人盡被流竄其時李珣已沒獨
渾在世其所深嫉而欲罪者庸有極乎然身居山野之人
本無干於世論雖亮嶺海之行而目為奸黨律罪甚重及

壬辰之難自念山野之臣得罪朝廷方在議律之中雖國家有亂不待召命而逕進闕下於義有所未安故瞻望跋踏欲進而不敢及 大駕過臨津之日成渾家距津渡二十里外山谷之中漠然不得聞知成渾妻兄司評中拔隨駕到津不得渡仍向成渾家成渾始得聞知相持慟哭欲為追及則津路阻絕亂兵塞路遂扶曳跋涉於山炭之間先海來往伊川下書召之興疾而行及到朔寧先海又下書令近地義兵遂與李廷馨金績等召集義兵言者乃謂宣召懇懇而終不來赴者不亦誣乎先海到成川又有召命始八成川不敢久留請於先海仍入 大朝蓋其心以為既先至分朝又不得許問 大朝起居於義未安故也言者又謂龍岡近賊徑向義州不亦誣乎此其時臺諫之

論而年以後生不知其時事迹只據臺論傳旨妄為誣詆
如此至於目之以遺君嗚呼天下安有聞君父播越過
廬而安坐不出者乎求之情理萬萬不近理者又以為黨
奸所謂奸者乃指鄭澈也澈自以孝悌清介為儒類所推
許成渾與之同里相善情誼甚厚澈於晚節雖有酒色之
失亦非大已丑之變澈遽膺治獄之任不能鎮定浮議大
獄推鞠之際亦每得不失人心乎成渾之於鄭澈無可絕
之道以此謂之黨奸此不知實情之言也噫以先王之
明聖睿過之隆重不得保全終始者初因李弘老之巧譖
結有鄭仁弘之邪毒今此振後等所瞻出聖旨實是慈
母之投杼成於三至之後李珣則道學之純正造詣之精深
高明昭邁洞見大源其自任之重以挽四世道拯溺斯民

為己責真可謂朱子正派而成渾之學得於家庭淵源有
自來矣與李珣定為道義交李珣嘗稱採履敦確吾所不
及噫師道久絕學術失傳世之為儒者只以句讀詞章為
業儒先道學之高下造詣之淺深知者蓋少無暇振後輩
恣意侮辱而無忌憚云云荅曰省劄具悉兩人長短予知
之久矣非動於異論而不許 前禮判趙翼上疏極言兩
賢之道德無辨誣訛之非

時爭辨者多而 上意不回副應教沈之源修撰尹坵
趙錫胤上劄爭聖批中疵累僭僣等教且曰儒先不可
毀而毀之公議不可排而排之又曰相臣相結陳劄而
批荅之辭猶若有不釋然者臣等之惑滋甚

知雜事崔鳴吉啓曰東學疏儒被停者六人而同參五十

餘人皆不為圓點成均館齋任六人及參疏者三人相繼

被傳

時四館互相傳奉

諸生以此不能自安齋任外無一人參圓

點食堂空虛大槩二臣之賢無論彼此苟以士夫自處者

莫不尊敬振後以從享為過重則不參而已何乃巾服步

行自作一隊作此違例之舉誣陷賢使不遺餘力自甘於得

罪斯文之歸一二首倡外其餘同參人似不必深治至於

成均館儒生數百多士抗章尊賢有何得罪見棄之事而

二三四館不待一會敢以自己私意擅停齋任至於六人

之多嶺南儒生聯名尊賢之疏有何可愕而拈出停舉其

設心尤為不美臣之愚意令四館多官依例一會議其可

傳不可傳共公處置仍勸誘諸生使之還入食堂務在和

睦令不得以所見同異輒相排擯 荅曰依啓

生負權蹟等二十人上疏請與蔡振後均被罪罰且言今日得罪斯文而必欲引八其圓點之列是導臣等於忘義無恥其亦兩賢則曰去其毛髮絕其慈愛迹八山中耽為釋教黨奸遺君獻替進退皆為後人之疑

都承旨李敏求承旨洪命者韓必遠崔荇李景仁具鳳瑞啓曰朝家才已鎮定而儒生等欲與蔡振後同被罪罰肆為憤言極為不義而二十餘人之疏退却未安何以為之傳曰勿為捧八李敏求啓曰蔡振後等三人被停其免罰者之不敢入圓點赴舉勢所固然更令知館事蔡商善處鳴吉劉陳振後亦賢之狀及既已分疏定罰更難善處之道乞免大提學答曰不由直路之士污矣

振後等赴闕時不脫巾服步詣

東寧相距甚便近而振後等乃從闕門下蓋時御昌慶宮由下馬碑西路五行大市而到東寧

驅逐夕士

之伋賢耶鳴吉再劄免敏求又上劄自辨傳曰崔鳴吉以
假濫見逐李敏求別無未安之事不欲察任如此遞差趙
翼又疏以伸多士亦解崔鳴吉上下教切責命罷四館
鄭好仁韓克述韓克昌金好哲等職以其已解之儒擅自
更停也

四學儒生及海西尹弘敏坡州俞應台閔西洪傑京畿辛
道喜豐德崔時達松都高迥湖南金時皓等相繼上章皆
不得請時皓再疏答曰勿為強煩三疏畧曰古昔帝王之
所以致敬於儒冠之人者非謂其人盡賢以士為名故也
曾在宣廟朝京外伋生以從祀五賢為請者不勝其煩
宣廟雖不即允從而未嘗不假以優禮禮章朝八而批夕下
溫言慰勉酬酢如鄉晉何則尊賢之風不可沮而多士之心

不可失故也。今臣等雖微賤，莫非我祖宗三百年培養之餘，而裂裳裹足千里陳章，以至誠動聖聽而連上二疏，動輒經宿，使許多儒生彷徨俟命於闕門之外，困苦風露，徒為輿卒所侮笑。聖期待士之道，雖謂之失其常可矣。為士而尊賢為臣而願忠，未知有何罪過而聖明之厭薄至此哉。今臣等所以悵然失望，不知世道之所終如何也。聖心既有所偏難，以口舌爭，臣等固將退也。見君父之有過，舉默然無一言而去，則又非千里遠來之意。亦恐無以為辭於鄉黨隣里。疏上傳曰：外方儒生以一事三呈其疏，有前例耶。捧八承旨趙績、韓相考上疏還出給。○丙子太學生尹誠等上疏申請。

進士李象震等上疏駭詆

○孝宗己丑太學生洪歲等上疏申請

嶺儒柳浚上疏駭詆

○顯宗己亥太學生尹抗等上疏申請

嶺南重維上疏駭詆

壬寅太學生柳寔等上疏申請

嶺儒金銅等上疏駭詆

寔等復上疏辨誣畧曰不意茲者嶺南儒生金銅等恆思之徒又復掇拾姦兇之餘論詆誣先賢悖妄自恣噫嘻痛矣今日之為邪論而誣兩賢臣者必以李珣之早耽禪學成渾之未赴國難為口實今銅等之言亦出於茲二者夫李珣之少時志學慨其近理弱歲遭喪又不能無感於冥福之說其時蓋出於事亡之孝求道之功而未及周歲便覺

其非即訪李滉於嶺外千里之地親承旨訣專心着力於
居敬窮理之實大為李滉所推重滉嘗貽書於珥至有古
之聰明才傑之士始終迷溺者固不足論有始終而終邪
中立而兩是陽排而陰右唯程伯子張橫渠朱晦庵其始
不能無出入而旋覺其非噫非天下之大智大勇其孰能
脫洪流而返真源等語金剛等之所斥以為論而顯示譏
功者無亦指李滉之斯言而蔽耶且滉書所謂中立兩是
陽排陰右云者蓋有感於呂希哲張子韶諸人之事而言
也夫希哲見推程門子韶名為篤學猶不免乎晚節之差
誤而李珥
於始學之日便能反正於既迷之後
則滉書所稱大智大勇者珥其人耳今之欲毀李珥者適
足以益彰其改過之勇而道之誠而已又焉足以病珥也

耶如以戊辰引咎之疏謂之自道以之攻珥則朱子之某
於釋氏師其人尊其道求之亦功至云者亦可謂朱子之
自道而直以為攻朱子之斷案也耶若其早值家譽直入
叢林等語此又誣罔之甚者往時若故臣李有慶及文忠
公張維諸人皆審知珥之未嘗斯俗而憤邪說之惑人或
暴之於封章或見之於論著俱足以為明證的據而其為
此說者不過奸人宋應溉等之餘徒耳今網等不信長德
者之緒言而徒仰乎羣小口吻則其亦可謂失其心也至
若成澤本以山林之士方其養道丘園潛心墳典榮名文
繡固非澤之始願而及乎誠澤聘拉禮隆賓師則便訣亮
舜亦豈澤之本心哉惟其黨論日橫邪人乘隙遂為賊臣
汝立輩所譏間終入鉤黨之目至編朝堂之榜則雖達士

辰之亂而渾以罪累之身未有收召之命在渾之道始所
自守不過王蠋之耕終若不幸欲決萬里之投而而其所以
自列於行朝之啓者既詳且悉進退出處豈有所苟哉
嗚呼宣朝壬寅之歲即帝堯姑試伯鯨之日而今銅等所
稱壬寅之批即慈母投杼於屢至之言者也欲誣先賢動
引先朝者此仁弘借宣廟之批以斥李滉之遺智則
推銅等之此心亦必以己叩神武之禍直以為趙先祖之
罪案而袞貞綱打之詐為出中廟之聖心者也其所造
意吁亦慘矣至於四端七情理氣之論李珥之所發揮雖
與李滉成說有所不同者而要之洞見本源剖析精微多
發前賢之所未發只恨當時李滉已沒未及相質使滉而
及見珥之所說則亦安知毋自欺之章不更定於朱子臨

沒之日也。綱等密知聖明之所難者常在於先朝之
未許則輒曰仁祖之所嘗斥孝考之所嚴杜知人君
之所甚惡者在黨論則輒曰為黨論者所主張知人君之
所深憂者常在於官不事事則輒曰國家安危曾不憂念
終乃曰斥邪論而扶正學噫奸人之罔極其至此乎。前日
宋時瑩等之請從祀也仁祖蓋嘗不許然而又有予非
以道德不足但以從祀事體極重不敢輕易許之之教此
則故相臣趙翼諸人所親承也。其後洪歲等之更請也
孝廟亦嘗不許然而又有西賢碩德予豈不知之教此則
李敬輿諸人所親承也。則今日綱等之所云云其不幾於
誣先朝而欺殿下乎。嶺南素多先輩若文忠公柳成龍
文穆公鄭述文康公張顯光文莊公鄭經世諸人南中士

人之所共尊師者也成龍之於李珣則至有文成聖人之
歎述顯光經世亦皆尊慕而賢其發於言語見於論撰俱
有不可誣者今者此輩不信乎成龍而信仁弘不信乎述
顯光經世而信景虎諸賊豈以仁弘景虎有賢於成龍述
顯光經世也耶



宋四賢及李珣成渾陞祔黜中黨及先儒九人

初顯宗戊申館學儒生中應徵疏請楊時羅從彦李侗

從祀

原疏見上
隆聖祠

○肅宗辛酉傳曰邇來學校之攸廢弛須脩明然後可以
正士習而淑人心也其令大司成取先正臣李珣所著學
校模範參以今日應行者講定舉行

○館學八道儒生李迺普等再疏請以文成公李珣文簡

公成渾從祀文廟且請并舉宋朝三賢

楊時羅從
彦李侗

從祀之

曲答曰兩賢之道德學問實為一世之景仰士林之矜式

從祀文廟夫誰曰不可而屢朝之未嘗允俞予之所以

持難者皆出於慎重之意也多士之請愈久而愈深終難

強拂其令該曹問于大臣特從其請

領相金壽恒判中樞金壽興鄭知和左相閔鼎重右相李
尚真皆以為先令從祀 傳曰大臣之議皆如此依前疏
批陞配文廟

禮曹啓曰陞配節次今將舉行而茅間東西廡狹窄難於
奉安云今此五賢位版追配處所若無推移之勢則不可
無添造之舉令成均館先審其形勢以為稟處之地
九月生員朴性義等七十餘人上疏畧曰臣等常見李珥
辭職之疏曰生丁不辰早喪慈母以安塞悲遂耽釋教走
入深山從事禪門殆周一年抽職擢肝未足洗汚累然歸
家慚憤求死自古中釋氏之毒未有如臣之特甚者也
宣廟罪成渾之教曰以宰列之臣在畿甸一日程非徒聞
寢不赴當車駕行過其居之日亦不出見嗚呼此可以觀

二臣之平生不免為名教之所棄請亟收兩臣從祀文廟
之命 傳曰兩賢之道德學問卓然為一世之表準 屢
朝之尊尚從享文廟俎豆之列實有光於崇俊重道之意
而 列聖之不即允許者本非斥士論蓋出於慎重也今
因章甫之齊籲蓋可見公議之久鬱鬱未伸故快從從祀之
請即觀朴性義等疏本滿紙游辭固非陰慘不正之語誠
不勝痛駭其侮辱先賢但擊公論之罪不可不正疏頭朴
性義為傳舉

禮曹正郎尹鼎和從祀收議公事淹置數日坐罷

答正言李徵龜疏曰身居言地是非顛倒營救醜正之徒
欲解掩置成命之罪和誠極駭異也於是玉堂劄罷李徵
龜

鄒學儒生鄭齊泰等疏陳朴性義等極毀儒賢之狀答曰
多士為兩賢辨誣之論予已詳知矣

朴性義依臺謫遠地定配

荅持平李日翼疏曰朝家克舉服食之重典而相繼投疏
乞徒尚紛拏誠未滿一晒也

冬十月生貞趙信乾等八十餘人疏畧曰李珥之與人書
自訟其托禪之事曰狂走山林顛倒失所不趨孔鯉之庭
不執黃香之扇有年矣此其自責之辭舉實之言百代之
下豈不可掩文純公李滉所著天命圖及心統性情說體
用顯微俱極纖悉至於四端七情之分尤臻其極此百世
以俟聖人而不惑者也珥之平生學術既無契悟於此而
落坐籠網之地與成渾和相往復攻斥李滉一則以滉之

言為害利一則以混之言為不知性至曰朱子真以為理
氣互發相對則朱子亦謬也何以為朱子也前而有絕倫
迹禪之累後而有學術辛繇之病其何敢污蟻於俎豆之
列乎至於成渾又有珥下宣祖以其散聞過實之故初
則禮遇其優至有欵八珥渾黨之教逮至晚年嘗試已多
荅金翬疏有此明教豈非渾之斷棄也亟收西臣從祀之
命以重聖廟之祀典

傳曰趙信乾遠配前正言李徵龜前持平李日翼削黜
○禮曹以庚戌五賢從祀時節目今當依此舉行而至於
宋朝三賢事係新規請議大臣定奪領相金壽恒議曰庚
戌五賢從祀時已行之禮考出於日記者雖未免疎漏其
時禮官及獻議大臣多是名臣碩輔其議論見識必不無

稽如聖殿及東西廡各位并行告由。祭新八從祀之位。造位版分配兩廡設行奉安祭未奉安之前。別為教文致祭家廟等事。今宜倣而行。至於宋朝三賢事體。自別家廟之祭。固無可論。亦不當有教文。而別為祭文。以告則似不可。已造成位版。當在明倫堂而題版。權安之後。亦不可無告由之節。但設祭具文。以告將陞之意。若在於此時。則恐不必別為告由矣。行判樞全壽興鄭知和議曰。告祭一款。常時兩廡有事。只告於聖殿。則今不當并告兩廡。而但念兩廡各位。以此陞座與常時修改不同。以此別告為宜。否乎。左相閔鼎重議曰。我朝二賢似宜畧倣宗廟從享之儀。宋朝三賢亦倣書院奉安之儀。至躋陞之日。告由於先聖。而分配兩廡。仍行酌禮。而并享之。不當別告於兩廡。

上命往問於宋時烈亦令玉堂博考稟處弘文館啓曰臣等取考通典通考大明會典等書并無現出可據者仍念本朝儒臣從祀之儀則庚戌前例足以為據似不必更考古史至於前代先儒從祀之儀當與本朝儒臣不同而未
有可據之例今從享先儒中胡安國蔡沈真德秀吳澄之
陞配在於皇朝正統年間則我國之從享當在其後而攷
事撮要從享條中不載此四人雖未知果在何朝而可知
其非久遠事也若更詢禮官考出實錄或可因此得其節
目之詳耶且前代從享諸儒皆有侯伯封爵今陞祀宋朝
三賢中楊氏皇朝陞祀時封將樂伯羅李二賢從祀自我
作始故無可題封爵若以宋末所增謚題版則似為合宜
上遂命以末端一節議大臣大臣議皆言楊氏宜用將樂

伯羅李以宋末所贈謚題版 上命依議施行

成均館啓曰大司成李翼相禮參金萬重參議宋奎濂
奉審則兩廡五十几位似難推移而每牀削去兩邊各五
分則五位分奉未為不足而椅子兩角量其長短裁減其
角別無所妨實為便當○禮曹啓畫講時同知李敏叙所
啓文廟東西廡床卓稍為裁削之議外議以為苟於闕云其
在慎重之道殊為未妥裁削添造當否更議于大臣處之
領相金壽恒等議床卓裁削非如饌品器類減損之為未妥
推移奉安恐無不可既有外議則一二間恢拓又非舉羸
之比亟令添造傳曰允禮曹啓奉審基地則自廡盡處至
南牆通為二十五尺極為狹窄事涉難便以大明會典大
廟制觀之則東西仗門皆出於南牆今若依此仗門變為

南向之制則小無不可而事係變通云云大臣收議後傳
曰反覆更思終不如添楫之得依當初定奪添造而廟制
變通一款更問于在外儒臣及玉堂掌處

掌令鄭昶疏請建啓聖祠

此一端詳啓聖祠下

又曰臣聞文清公

薛瑄學者稱為敬齋先生朱子後一人而已隆慶間始配
文廟而我朝獨不祀焉伏乞廣詢廟堂及三司諸臣在外
儒臣趁五賢暇食之辰亟令併行

領右相議我國文廟祀典多與中朝不侔今若一併釐
正則已不然而續續陞配恐非所以重廟享之道也判樞
金壽興議今茲宋朝三賢則宋之南渡以後得繼程子之
統以傳於朱子多士之必以此為請者其意有在而本出
於斯文之公論此外宋之諸賢豈無陞配之人誠難以一

二人見容易舉論 傳曰依大臣議以為施行

○十一月吏判金錫曾劄曰今因八路同聲多士申請

俞命已下陞配有日中朝祀典之所未達者皆將舉而祀

之則漢晉之儒中朝之所罷退者亦安可不起此時一

而正之乎今以會典明史考之其抑而祀於鄉者七人直

罷其祀者十三人我國之無鄉可祀者既不可罷十三人

中亦有一二可惜者不可盡黜而如荀况以性為惡以禮

為偽以子思子孟子為亂天下古之稱說者必并稱荀楊而

楊雄既已見黜於楊砥之一言則况安可獨留乎馬融為

梁冀殺李固後為南郡貪濁罪免王弼祖述老莊與何晏

倡清談王肅仕魏至徽侯乃以女適司馬昭又為司馬師

畫策討文欽母丘儉杜預守襄陽行饋遺且盡殺江陵人

為臣則不純以將則不義何休註春秋黜周王魯又註風
角等書班之於孝經申張申黨其實一人公伯寮非家語
所載而又足毀子路者則此即子服景伯之所謂力能肆
諸市朝者此皆可去也蓋此刪黜之論初起於宋濂之議
蓋著於程敏政之疏卒乃見施於嘉靖宣祖朝趙憲朝京
回請從中朝之制其後李廷龜為禮判又請釐正而時事
擾攘未克聽施識者恨之舉前日未遑之事完一代莫大
之典者有待於今日

傳曰莫重廟享或有不當配而強濟者或以一人而分配
東西則豈非國家之大典而取後世之刺乎今該曹廣詢
大臣儒臣而稟處

領相金壽恒議曰泰顏二人則不載於家語七十子之列

程敏政亦以為名字流傳之誤而既無的據恐難斷其為
當然戴聖之貪黷得謗史氏言其為仇家所搆亦難明其
虛實而大戴禮為禮家所宗其功不少劉向上言黃金可
成特少年時事至其立朝事君精忠謹議有補於世教經
術博洽在漢儒鮮其比誠有可惜哉其餘公伯寮荀何三
王馬杜諸人之違背聖經得罪名教者所宜首先黜去至
於賈逵吳澄劄中不并請去而逵以不修小節見譏至其
論說經義專主圖讖傳會文致以媒貴顯此與何休之註
風角等書豈相遠哉澄則以宋朝進士失節於胡元其學
亦流於伊蒲塞之習此二人亦不容仍留暇食之列申張
中黨一人并祀其誤莫甚今之論者或以為大行黜陟陞
一遵朝中之制則可也只從其黜未免異同而於其所黜有

所取舍尤涉非宜臣意有所不照者陸九淵王守仁異端
之學惑世誣賢者其可以中朝之增祀而一例苟從乎豫
章迨平之陞配亦是中朝之所未舉而曾不以此為嫌則
參酌損益恐無妨於事體○金壽興議曰左丘明以下從
祀聖廟始於唐之貞觀建宋及明因仍襲謬自有馬端臨之
議弘治諸臣亦多請黜及至嘉靖以張亨敬之一言斷然
改正此所謂一洗前代相襲之陋未為百世可尊之典者
也茅念林放雖不載諸弟子之列遽瑗亦非及門之士而
放之好禮瑗之寡過先儒以為可為人師鄭虔廬植鄭玄
服虔范甯翼經之功不可不紀而我國無可祀之鄉則并
不必罷去秦冉顏何雖曰字畫相近之誤既未有所考則
恐難輕議最是申張中黨明知其為一人公伯寮荀况載

聖劉向何休賈逵馬融王肅王弼杜預吳澄之不合祀享
皆有先儒定論臣不敢疊牀○鄭知和議脩舉廢墜正其
註誤此正其時○右相李尚真議曰其所釐正有改有陞
有黜可行者三而只行其一則反不如全不行也皇朝改題
文宣王之號顏子以下俱去爵名曾謂責家臣之詐而易
大夫之簣者其肯安享斯名乎故因張孚敬之言一改千
載之誤而我朝夕備襲陋恐當議改也從周正名無大於
此至於后蒼王通歐陽脩胡瑗薛瑄皆已見陞不比之為
而獨於黜享謂之從周斷然行之亦忍於義未穩○執義
李翔議從享釐正一款前人已定之論無可議者至於廟
制終不若添造間架之為穩○司業朴世采議當初取舍
已多可疑只循刪黜未知允合○進善尹拯議空疎昧陋

不敢獻議

傳曰文廟服食至重且大豈可苟且仍循以取濫祀之刺乎值此陞享之日克舉未遑之典議不容少緩其令有司公伯寮荀况馬融王肅王弼杜預何休賈逵吳澄等九人亟黜廟庭一人分配尤甚無謂亦令去申黨宜矣

李尚真奏曰申張中黨之為一人未有明據金錫胄請令弘文館考出弘文館啓曰論語有中張而無中黨史記有中黨而無申張家語有中續而并無張黨唐開元中始以七十子從祀聖廟蓋合論語史記所載者并祀之故申張中黨俱在祀典中至宋邢昺論語註疏中始引漢鄭氏記斷以張黨續為一人嘉靖釐正實用邢昺說如孔子通紀萬姓通譜等書皆并列張黨之名此皆嘉靖以前文字鑿

正時不用此說而斷以邢昺註疏者似以鄭氏去古未遠其言宜乎考信而然 命依前教去中堂

十二月領中樞奏時烈病未獻議進上疏畧曰我東從祀之多至於八人而未能保其粹然皆出於道故章甫之徒或不無竊議於私不厭於心者矣臣每以為與其不審於初而起疑於後不若致詳於始而有辭於終也然而地偏氣局未有大眼目大力量人出而釐正則姑將目循公襲以俟在後之百世也至於宋朝三賢亦不無可言者朱子於滄洲之祀只祀延平而楊羅則不與此豈無所以而然耶蓋龜山學問之疵朱子屢言之有曰龜山先看莊列雖見伊川此念熟了時發出來羅仲素亦有此意終曰龜山此之張皇佛氏之勢如李鄴張皇金虜也又曰近讀龜山列

子說令人惶恐不知何故如此背馳也論出處則曰龜山
做人苟且是時未免祿仕故胡亂就之蓋謂就之於蔡京
也滄洲所取捨無乃或出於此耶今日從祀雖不可遽爾
取舍惟其道德之醇疵朱子之權衡不可不精察其所以
然也至於文成公李珣迨平福道朱子不諱其從遊道謙
之事皆文純公李滉亦稱李珣之不諱前事是亦迨平之
意

迨平嘗曰元晦和從闕裏寺道謙處下田夫道謙即高僧云

又曰當去而不去者亦

不無其人胡元之許衡是也文成公嘗謂衡之仕元雖非
失節而是失身也臣嘗以是陳白於聖朝則聖祖以為
正當之論惟其有煩聽聞故密諭難便之意今日陞黜之
舉泛行斥去則似無痕迹矣又曰依中朝例作啓聖祠一
聖祠下

陵詳歷

又曰周程張邵以至朱子實係孔孟之正統其道

至大其功至隆班之十哲猶為稱屈而尚在兩廡俛與崔
致遠等相并此甚不可之大者是以朱子於竹林之祠只
以周程以下七賢直接孔孟而餘人不與焉其意可見况
朱子切亞孔子者耶宜陞殿內此明其統緒之所在然七
賢之中亦不無可論者邵子之學不純於聖道故朱子嘗
論之其言不編於近思錄其傳不列於淵源錄然大易之
之義實萬世道學之大原而邵子直啓伏羲之心法朱子
作啓蒙一用其說功孰大焉惟溫公則朱子許其功而不
許其學又其黜漢帝魏大宰春秋之義而或為後世僭亂
者之口實故朱子嘗慨然於世無魯連延平則雖無可指
之疵其道不甚較著此二賢似不得與程朱共陞勉齋黃
氏實為朱子之嫡傳朱子付托之意可見於往復書札又

其所編通解續書大有關於聖道其功不下刪於尚書集傳獨不得與九峰蔡氏同祀者豈非斯文欠典耶伏乞并令議定焉又請文元公金長生

此一殿解下
金長生從享

上命議于

大臣儒臣而處之

大臣收議後傳曰宋朝五賢陞配殿內一款依宋領府事流弊施行而此時巨役似難輕議徐待豐年舉行勉齋黃氏并與楊羅李三賢一体陞配許衡則雖不無疵累而邊甬黜享有煩聽聞姑勿舉論至於文元公學問道德之高予固洞知而第念文廟從享事体至重今不可率爾陞配大臣收議中姑俟後日云者亦甚得宜今從多士之齊籲先配五賢宜矣

校理朴泰輔疏畧聖廟從祀人物不無疵累事体亦多

苟簡後世有聖人君子者出而當議禮制度之任則其必
在所鑒正然苟非其人妄議僭論其所鑒正猶未為千載
定論則反不如因舊貫之為無罪宋濂程敏政倡為黜陟
之論其指斥前賢太刻而舛謬亦多不足為定論則後儒
前也張孝敬安而得見斯然行之肆無忌憚本不足道今
之論者名為從周實有取舍史記所載七十七弟子見于
書傳者三十五人其四十二人則綴傳名字不識其何狀
人矣司馬遷記孔子之言曰受業身通者七十七人而稱
弟子籍出孔氏古文後之尚論者但可守此而已欲就其
中輕加揀擇亦已踈矣如公伯寮之為人只見於論語一
章或其人始惡而終善或偶有此失而其餘自有過人者
皆不可知假使冉求之行只有附益季氏之一章宰予之

言只有斯已久矣之一章則必將并歆黜去其於立論也
不亦難乎史記記諸弟子悉取論語次為篇其記申黨未
嘗引論語所載申張事馬遷固以為二人矣邢昺遽以仿
彿疑似之間斷為一人未見其必可信也且申張雖見於
論語容或不在七十子之列又難強以申黨當之也荀況
之學雖舛駁不醇自是戰國一大儒其所樹立倫之漢唐
章句之儒不啻過之何休之註風角不過如劉向之誦方
術而史補進退以禮屢進忠言其人自不可輕今難於黜
向敢於黜休亦不知何說馬黜之失因多而貪濁免官則
梁冀之誣也今以此罪黜而戴聖之貪賤則誣以仇家所
搆亦可謂不得其平矣論前人之失甚易而不知己之復
蹈其失此固天下之通患當今之世未可遽得其人而任

壁正之責則與其草草意見變改歷代之舊章所謂不如
目舊貫之為無罪者不可不深慮也今日臣隣不思輔導

殿下崇諫挹之德守慎重之道以匡勵聖質之所偏而卒

然贊殿下以斥黜先儒拆毀重典殿下乃復一筆抹

去而不以持難舉指率易聽聞甚惑茲弊所漸恐不止為

一事之失而已臣竇懼焉願殿下亟收前命以示重典

之不可輕議

朱又論斥吏判李端夏甲寅撰述先王行狀承命恒添補孔叔首未事及端夏意長

時請達羊獎廳以國舅閣維重白管堂上事

傳曰朴泰輔疏中第一件事即不

宜黜享事此出於意見之各自不同不必提起而其身居

論思輕朝廷蔑公議之罪不可不正姑先罷職

傳曰左右門并用南向之制傳曰頃目大臣收議廟制

緣已變通矣即今黜享與去位者多至十人雖無添攝之

舉定以奉安勿為添造

壬戌五月禮判南龍翼啓今此聖廟當黜十人中東廡
三人西廡七人而宋朝四賢以年代次第八於西廡則自
當補其虛缺之位以次計之則東西各有三位之餘剩我
朝兩賢臣對八兩廡之末似令便宜從祀吉日五月二十
五日陞黜事由并於此日祝告大聖殿下十位牌則埋安
於殿後淨潔處似當且我朝五賢陞配之時有前期遣禮
官賜祭及教書於本象之規依前例舉行何如 上曰依
為之又所啓今見東西廡位版次第則宋朝諸賢中或有
次序差誤處金壽恒曰蔡沈在於真德秀下胡安國在於
張栻下不可不釐正 上曰依允

六賢題位版五月十八日將樂伯楊時文質公羅從彥文

靖公李侗文肅公黃幹文成公李珣文簡公成渾從祀翌
日親臨頒教

兩賢從祀之請自仁祖朝乙亥始而先朝戊申年
間館學攸止復有衆朝三朝并配之議今始禮成

李珣成渾黜享復享

肅宗已巳三月原州儒生安璣等上疏請黜李珣成渾文廟之享

又以辛丑宗統動搖國本請行宋時烈按律

三月進士李玄岭等疏畧曰從享之請自乙亥至辛酉首尾五十年間累發累虞未乃力抗公議威制一時肆然稱之以士論歸一必躋之俎豆之列而後已其為聖廟之辱斯文之厄可勝言哉答曰噫我朝儒賢之從祀文廟者前後何限而輿情泠然終無異議獨於此兩臣多士之竭誠齋籲必冀其黜享而不知止者豈有他哉蓋所以導列聖之明教痛彼輩之周遮疵累欺蔽濫躋之意也一自兩臣陞配之後時烈之掇拾餘論戕人病國固非一二而若言其末流之害則朝廷之潰裂人心之陷溺至于力排丹

拯事無復驛地幾不免彝倫數絕國不為國永言思之寧
不痛心共公之論不可終拂特允所請一以正是非一以
抑邪說焉

三月十八日告由埋位版

政院啓曰即者進士沈齊賢等以故贊成李珥叅贊成渾
黜享事投進一疏而語意絕悖臣等不勝駭然之至而臣
首末齊賢等誠有所補引而皆是厚誣之言也臣等請畧
辨之珥之父嘗惑於妄待珥不善珥乃逃入於叢林釋犴
義菴而緇徒導之今乃謂見其逃理而染禪者謬也又謂
不被緇不削髮者亦誣也使珥初雖失脚後乃復路無指
議之疵有洗濯之功則齊賢所謂幼年迷方不足追咎者
亦不為過而今珥則不然丁年非幼弱之歲所遭乃人倫

之寢况其改圖之後其處心行事麁而不精偏而未正其
視聖人反己之功萬萬不相侔誠不足以贖其前愆天姿
穎脫處則誠有之而惟其方寸上得力者少故隨事生疵
應物亦踰朝廷則初欲調劑後樹黨與論理氣則專務初
奇動背師詭李浚慶賢相也功存社稷而露章攻擊以逞
其憾鄭澈奸臣也心懷陰賊而私相朋比揚詡太過其平
生心迹昭在耳目如此至於渾則不及於珥又遠甚寧問
純雜有不足言而乘輿播越居道傍咫尺之地乃敢然
自便終不慮駕分朝會召又以無馬辭而及天兵渡江
始乃緩赴行在人臣事君之義掃地盡矣進退無據行
止不倫而今乃謂裁之以義理者一何悖乎己丑之獄與
澈表裡身雖在外渾實主張崔永慶之初釋也渾遣其子

文濬以米遺之言曰見惠於何人而至此永慶荅曰只坐見惠汝翁耳文濬慨然而退人謂永慶再鞠之禍實由此是以宣祖翻然覺悟下教曰允渾毒澈殺我良臣八字玉音足破奸膽而獨惜處分寬緩使渾輩不伏反坐之律允徒之傳授鍛鍊至今無所懲艾者此耳渾之殺永慶

宣廟所洞燭而今乃謂渾嘗救解天日在上豈可欺乎上年時烈作為長書臚列渾之實跡而我賢主和之言不啻狼藉流播搢紳夫時烈以陰允之賊平生所慕仰者珥渾而今與尹拯相軋之後以拯為外裔指摘若此其言固不足為證而亦豈全然孟浪之語而時烈發之哉以如是之人乃敢躋享於夫子廟庭此實斯文之一大變也公議齊憤聖鑑洞察亟舉屏黜之典大快輿人之望而齊賢等

乃敢公肆邪說以多士之公議為巧密政院之啓達為德
惠 聖上之處分為年科為顛錯誣辱朝紳固不足言陵
侮 聖躬奈分義何甘心死黨蔑視 君父自是此輩之
本色誠極痛惋 承旨李鼎命製

閏三月左相睦來善所蔭兩臣默享命下已至數月尚無
舉行之事守令中不欲舉行多暇辭避必罷而歸者亦多
各道監司從重推考嚴加查閱事依允

甲戌正月十八日臨忘記凡天下之事間有訛誤於前
而釐正於後者竄今日之是而悟昨日之非者既審其誤
又知其非而曰我已行之何妨目循其流之善日趨於安
靡無一事可做寧有是理噫文廟從享是何等重事也當
躋而不躋不過為一時之欠缺不當躋而強躋其污聖廟

而辱斯文為如何也李珣成渾本非德隆之人又多難掩之累而予莫之察未免濫躋則其可曰我已行之而盡思其正訛誤明是非之道乎此所以更化之初快從公論者也第於伊時或有陳章為珣渾而左袒者或有違拒朝命不即黜享者當此人心陷溺義理晦塞之日羸豕蹢躅之漸邪說肆行之患不可不預為之蔽防今後敢以珣渾事不與公議挺身立幟者當以侮聖廟之罪論之

甲戌五月楊廣使生進士朴珣等疏畧兩賢臣之黜廟尚閔復享之命已已之慶言之可為痛哭豈意享之自

聖朝然之反自聖朝以饒一時曉曉之舌乎彼兩賢臣

道德非高於前而卑於後蓋以斯文之興喪有時聖上

之執德不一故宵人之說得以間焉伊時安璠李玄齡

賊之輩齟齬之說本非新出之疵瑕祖述羣奸之揖誣則
邪正之間是非自別而夫何 聖上崇攸之誠不承權輿
一為謾說古所愛遷哉答曰曩時權奸輒事欺蔽之狀業
已覺悟則矧茲閱斯文興喪係時運污隆者乎當令該曹
稟處

禮判尹趾善啓曰陛配事重只回鄉攸一疏草草舉行殊
欠慎重詢于諸大臣處分何如領相南九萬曰兩賢臣從
祀誰敢有異議而前者既陞而黜今者既黜復陞而儒生陳
疏該曹舉行似無重其事之意即今大臣只有臣一人姑
待在外大臣八來悖議而處之趾善曰若自 上俯詢大臣
而特賜處分則益有光於 聖德矣 上曰廣詢大臣固
是慎重之道而茅兩賢道德初非不知而為罷正之徒所

欺蔽至於黜享予嘗悔恨矣若夫慮其顛倒而不即舉行
則終歸大典兩賢臣復享事不必待該書回啓特為舉行
禮書啓兩賢臣復享文廟吉日閏五月二十八日陞配之
由先告于大成殿後兩臣位版奉安依壬戌陞配時舊例
先期賜祭于其家仍宣教文諸道鄉校使巡察使造位版
以頒是日百官陳賀頒教中外事

故阮啓曰進士韓宗奭等上疏敵以兩賢復享之舉請為
汚聖廟而辱斯文譸張邪說靡所顧忌日作違中既以兩
賢道德初非不知而為醜正之徒所欺至於黜享予嘗悔
恨為教如此陰邪醜正之徒何以為之 傳曰其疏勿為
捧入而當此深悔既往復享先正之日其闕發欺蔽醜正
之罪未有明白處分故宗奭等畧不顧忌鼓簧邪說乃至

於此不可不深惡痛懲當初疏頭李玄岭邊遠定配
忠清道幼學林鳳珍等疏辨韓宗奭之誣答曰爾等為儒
賢辨明而振本塞源語甚明狀予用嘉尚李玄岭之掇拾
邪論乘時醜正之罪誠不可不深惡痛懲當令該曹一體
稟處

[illegible]

